

明三及第會元詩文目錄卷之四



國朝
倉石
藏

五言律詩

狀元胡廣

陪駕至大液池

狀元曾棨

過劉伶墓

探花周孟簡

冬至齋居對雪

狀元蕭時中

秋夜月

狀元商輅

早朝

賀瑞兔

馬

狀元柯潛

元夜月

榜眼程敏政

班婕妤

申州暮宿

狀元吳寬

美人垂釣圖

美人納涼圖

狀元朱希周

昭君怨

狀元楊慎

泛湖

蘇子遊赤壁

元日新添館中喜晴

榜眼陸鈇

庚子門望楚

狀元羅洪先

南樓奇觀

會元唐順之

穀日雪

榜眼羅堉

久旱喜雨

探花袁煇

遊上清宮

榜眼王錫爵

春元偶興

春日南浦遊宴

狀元范應期

李花

會元田一雋

瀛洲亭新池得雨

探花鄧以讚

贈徐山人伯仲

會元馮夢禎

北亭宴集

狀元唐文獻

西苑觀菊

會元袁宗道

玉壺冰

狀元焦 竑

元夜月

探花顧起元

感事

狀元楊守勤

夏夜

七言律詩

狀元任亨泰

登北極紫霞樓

贈宮人入道

探花盧原質

春日早朝遇雪

春日遊東苑

越山清曉

狀元許 觀

味湘竹簫

狀元曾 榮

殿試罷作

喜蕭時中狀元及第

車駕渡江

觀內廐馬

探花周孟簡

瓊島春雲

狀元蕭時中

味流泉

狀元李 騏

早朝

狀元曹 鼐

中秋

狀元施槃

梧桐月

狀元商輅

長安道

探花岳正

瓊島春雲

車駕渡江

狀元黎淳

賦得秋江漁唱

榜眼程敏政

從軍行

狀元謝遷

走馬燈

鞦韆

探花王鏊

過施槃墓

狀元費宏

及第紀恩二首

贈彭文憲時致仕

狀元錢福

早朝

狀元顧鼎臣

觀潮

狀元楊慎

立春日禁中對雪

從軍行 六言八句

狀元羅洪先

登天竺峰

賀及第

會元唐順之

元夕珠燈

贈宮人入道

探花袁煒

冬日過朝天宮

狀元唐汝楫

侍恩榮宴

狀元申時行

蘭葵鶴鴿

題鷹

榜眼王錫爵

杏花雙燕

蘆河群鴈

狀元范應期

贈奉使冊封親藩

狀元羅萬化

內苑聞鶯

探花趙志臯

賀國朝惟善為寶

探花鄧以讚

九日雨中泛舟

狀元沈懋學

春盡登山

鏡中燈

探花曾朝節

賀皇子百日

會元馮夢禎

賀大婚禮成

狀元朱國祚

聞蟬

榜眼李廷機

秋聲

會元袁宗道

暮春卽事

狀元焦 竑

玉河水泮

黃金臺懷古

秋雨有懷

萬壽節朝賀

探花陶望齡

雨中春樹

頌曆

萬壽節朝賀

狀元朱之蕃

沈讀卷得蕃舉首賦贈

原韻賦和

咏蟬琴

咏月鈞

咏瀑布

探花顧起元

荅楚源丈損惠見懷之

感懷

許長卿水亭五日

五言絕句

狀元商 輅

筆

狀元黎 淳

夜泛

榜眼程敏政

春晝吟

探花王 鏊

教坊婦

會元程 楷

晚霽

會元霍 韜

早朝

探花鄧以讚

春遊

狀元沈懋學

羨農家

狀元唐文獻

題畫二首

榜眼陶望齡

早朝

七言絕句

狀元曾棨

旅况

狀元曹鼐

扇面荷花圖

探花倪謙

春興

白鹿仙人圖

狀元彭時

咏青塚

狀元柯潛

山水

狀元黎淳

爆竹

會元章懋

徽宗畫瓶中桂花圖

榜眼程敏政

南陽三顧圖

幽居

狀元吳寬

畫中四景圖 四首

探花王鏊

十六夜湖上玩月

綠楊雙燕圖

狀元謝遷

芙蓉

會元程楷

春晚

思歸

咏鴈

探花靳貴

咏菊 二首

狀元錢福

墨梅花

墨桃花

狀元朱希周

張良歸山圖

劉阮天台圖

狀元康海

諸將入朝

狀元楊慎

狼山凱歌

滇海曲

探花徐階

楊梅

會元唐順之

仇將軍南征歌

探花袁煇

塞上曲

狀元申時行

御池瑞蓮 二首

牧牛 二首

榜眼王錫爵

牧牛 二首

狀元朱國祚

東朝侍直 二首

榜眼李廷機

江行咏浣紗女 二首

狀元焦 竑

上苑桃花

附及第謝恩表

狀元吳 寬

狀元舒 芬

狀元諸大綬

狀元丁士美

明三及第會元詩文

新都後學

吳立性無相父彙編

吳承恩君錫父校益

五言律詩

陪駕至大液池

胡 廣

玉砌臨佳地飛甍上倚天
微風斜舞燕高柳隱鳴蟬
岸草茸茸細池荷箇箇圓
孰知丹禁裏別有好林泉

過劉伶墓

魯 葵

舊宅無人住荒墳有路岐
一生渾是醉萬古復何悲

白首啣盃日青山荷鋪時最憐獨醒者高塚亦纍纍
冬至齋居對雪

周孟簡

候氣窺玄籥清齋席白茅彤雲連北闕春雪近南郊
窓迥簷花積風迴苑樹交天心如可見暗點易中爻

秋夜月

蕭時中

皓魄東山吐烟霾四野無故人千里共銀漢一輪孤
寒影驚烏鵲清光湛玉壺長安今夜永砧杵滿城隅

早朝

商輅

五夜漏聲繁春風啟帝闕輪蹄馳大道冠冕拜

禁柳迎旌旆宮花隱掖垣從容侍朝罷雨露滿乾坤

賀瑞兔

俛俛來何處貞精稟少陽月中含素魄草際帶清霜
為感從龍會應開繞電祥侍臣紛拜舞祝聖意何長

馬

會逐羽林郎翩翩帶紫韁玉關辭漢月沙塞踏胡霜
金甲雄軍勢銀鞍耀日光明君休武事歸放華山陽

元夜月

柯潛

賞心今夕始明月倚欄看有兔春玄杵無雲掩玉盤

清光臨鳳闕素影入鰲山一曲昇平調吳姬舞袖寒
班婕妤

程敏政

一自辭同輦深宮草又生甘隨統扇棄猶記玉關行
明月愁中影流鶯夢裡聲笙歌前度夜教妾若爲情

申州暮宿

薄暮宿申州砧聲起暮秋白雲親舍遠明月客窓幽
世事關心事新愁續舊愁歸家頻有夢飛過錦江頭

美人垂釣圖

吳寬

携伴柳陰過投竿傍淺沙沉容魚避影流盼水增波

玉餌含香細金鈎引緒多宛憐湛水上衛女怨如何
美人納涼圖

坐倚小庭空殘粧落照中荷舒水簟夜竹引綉簾風
玉露涼侵袂銀蟾影掛弓明河望不遠魚信杳難通
昭君怨

朱希周

掩淚向邊州君恩此日休身隨胡地遠心在漢宮愁
鴈塞書難到龍堆草易秋玉容何足貴翻向羽林羞
泛湖

楊慎

此日秋風起移舟向浦烟客心隨地遠人語隔花傳

古寺踈林外孤亭落照前十年塵土夢回首一茫然
蘇子遊赤壁圖

垂老黃州客高秋赤壁船三分留古跡兩賦到今傳
落日寒江動青天斷岸懸畫圖誰省識千載尚風烟
元日新添館中喜晴

白日臨元歲玄雲放曉晴城窺冰壑迥樓射雪峰明
客鯉何時到賓鴻昨夜驚離心似芳草處處逐春生
度荆門望楚
陸 鈇

亂峰前路迥旅况正紛紛落日荆門望青山楚國分

孤城連郢樹獨棹入蠻雲誰念天涯客西風感鴈群
南樓竒觀
羅洪先

樓居仙致迥隱約白雲中當戶山光入鈎簾海色通
江晴螺女渡臺古越王宮風景今非昔憑高思不窮
穀日雪
唐順之

雪霰飄何甚因風裊更斜臘遲偏爲穀春閏未凝花
曙色開銀甃寒光入絳紗床頭社酒熟扶醉到鄰家
久旱喜雨
羅 理

烈旱猶非久茸霖騰足誇密雲藏玉兔飛電掣金蛇

豆熟豐隆莢林分潤透花農人忘帝力但說好年華
遊上清宮
袁煒

徐步仙宮裡松筠拂檻齊潛龍眠古洞瑞鶴立高枝
藥灶香風起丹臺紫霧迷道人無俗慮樽酒對枰棋
春園偶興
王錫爵

徐步春園日風輕雲淡時嫩苔生翡翠新水映玻璃
柳色頻經眼花香暗襲衣碧桃紅杏上黃鳥白鷗啼
春日南浦遊宴

連騎遊南浦方舟泛綠波日華雲際薄春色水瀉

蘭渚容樽俎花林映綺羅
被除期又逼奈此宿醒何
李花
范應期

麗日風和暖漫山李正開
盈林銀綴簇滿樹雪成堆
清馥勝秋菊芳姿比臘梅
杖藜遊俠子攀折晚歸來
瀛洲亭新池得雨
田一儁

亭據蓬瀛勝池開島嶼幽
誰將銀漢水來注玉壺秋
日映龍文麗風微鴈影留
好憑朱鬣使分灑遍皇州
贈徐山人伯仲
鄧以讚

知章湖作鑑諸葛草爲廬
傲世惟高枕從心有素書

總因悟塞馬不是憶尊鱸二客能同調時招花外車
北亭宴集
馮夢禎

綵袖銀箏淨紅庭玉盞開地疑蓬島勝人比竹林才
醉舞從花笑清歌引月來未須驚夜久共待曙雞回

西苑觀菊

唐文獻

西苑宸遊地東籬菊已花當年誇野色此日麗天葩
輕白凌寒露深紅散晚霞秋英疑可茹無復楚人嗟

玉壺冰

袁宗道

玉宇冰壺淨寒光拂素襟一瓢堪自冷點翳莫教侵

粹白占臣節虛明識聖心何當春日暖化作帝家霖

元夜月

焦竑

紫殿開南極宮雲冉冉飛色因鰲石麗影逐鳳池歸
未覺爲霖遠翻憐捧日微輕陰何足恨天闕自清輝

感事

顧起元

玉策宣房隱金堤鉅堦連但陳漕輓粟莫校水衡錢
荷鋪千夫起乘橈四載懸玄圭如可錫持此頌堯天

夏夜

楊守勤

松陰連小榻枝影倒徘徊徑轉螢光照簾疎月色來

圍棋朋友與酌酒弟兄杯對景渾忘夜寧知箭漏催
七言律詩

登北極紫霞樓

任亨泰

危構憑虛通泰清紫雲如綺散前楹萬年佳氣通函
谷五夜神光動赤城鶴駕凌風霓旆遠鳳笙吹月羽
衣輕崆峒對面三千丈我欲因之問廣成

贈宮人入道

溫泉宮裏洗鉛華共訝君恩許出家阿監別時留佩
夾道流迎處指烟霞乍拋月殿吹簫譜學煉星壇宿

火砂幾度春風緜嶺上步虛聲繞碧桃花

春日早朝遇雪

盧原質

今年春早覺春寒紫禁朝回雪未乾太液月明銀兔
濕蓬萊天近玉龍蟠吳鹽色映差堪擬郢曲才高欲
和難最喜風光先報柳漸舒晴翠拂欄杆

春日遊東苑

長樂鍾鳴玉殿開千官次第出蓬萊已看旭日催龍
馭更借春流泛羽杯堤柳欲眠鶯喚起宮花乍落鳥
啣來宸遊好把簫韶奏京國于今有鳳臺

越山清曉

曙光曉散越王臺萬壑千巖錦綉開欹枕僧鐘雲外
落捲簾漁唱鏡中來樹藏茅屋雞聲斷露濕松梢鶴
夢回安得畫圖分省地移家仍住小蓬萊

咏湘竹簫

許觀

淚灑琅玕迹尚存在簫猶是舊龍孫腔排蕭史神仙
譜愁絕娥皇姊妹魂六孔恍疑嬌靨潤幾斑還帶粉
香温莫教月白風清夜吹向湘江水竹村

廷試罷作

曾榮

曉開三殿降絲綸衣冕臨軒策小臣紅燭影催金闕
曙紫霞香泛玉壺春雲霄九萬扶搖近禮樂三千制
作新淺薄未能宣聖德願歌棫樸播 皇仁

喜蕭時中狀元及第

鄉衮曾掄宋殿魁廬陵文運喜初廻九重天上承
恩渥八十人中識俊才蠹簡幾年窺夜雪龍門一日
動春雷行人若向青雲望定有紅光燭上台

車駕渡江

朱旗畫戟擁隄沙錦纜牙樯照浪花佳氣廻浮江北

樹曉光初絢海東霞雲中鸞鳳扶雕輦水底魚龍識
翠華不用臨流羨天塹只今四海盡爲家

觀內廐馬

繡勒雕鞍七寶裝天閑十二見飛黃行驟鸞輅隨仙
仗嘶過龍樓識御香玉轡按時經細柳錦條控處獵
長楊虎文鳳臆真無匹浪說周家八駿良

瓊島春雲

周孟簡

蓬萊山色曉蒼蒼雲氣遙連玉殿傍縹緲不隨仙仗
散氤氳長染御衣香每看捧日臨雙闕更待爲

入荒幾度碧桃花正發晴光還映紫霞觴

咏流泉

蕭時中

石泉飛下碧嵯峨濺玉跳珠濕薜蘿影落半空懸素
練光垂一帶瀉銀河朝宗遠接滄溟水分注時添大
液波最是上林花落處隨流偏向御溝多

早朝

李 騏

紫禁追趨夜色闌景陽鐘動漏聲殘天門掩映鶯花
樹黃道澄清淑氣寒星斗遙臨花外落旌旗只在仗
前看侍臣欲進陽春曲 聖主恩深和轉難

中秋

曹 鴈

風捲浮雲散九區
海天澄徹月輪孤
三秋爽氣凌空碧
一點寒光照太虛
狂客醉酣歌白苧
素娥起舞擊蒼梧
何須更覓神仙術
我已藏身白玉壺

梧桐月

施 槃

雲捲清秋昼角悲
梧桐滿地月明時
斜穿翠葉通金井
直透蒼波漾玉池
青女莫驚烏鵲夢
素娥偏惜鳳凰枝
故人千里關情處
獨立空階影漸移

長安道

商 輅

層城迢遞入雲賒
處處春風面面花
長樂鐘聲催漏箭
新豐樹色雍行車
歌姬舞榭留明月
貴主粧樓結綺霞
日暮香塵連九陌
鑾輿傳幸五侯家

瓊島春雲

岳 正

蓬島瓊臺近紫微
春雲重叠映空飛
凌風縹緲隨仙仗
傍日氤氳捧禁闈
時雷龍紋浮瑞氣
還成鳳綵煥晴輝
幾迴天上爲霖去
仍向巖前伴鶴歸

車駕渡江

柳色臨江輦路長
歲稔遙望翠華張
衣冠隔岸催鸕

序舸艦中流列鴈行魚躍滄波膽 御座烏啼春樹
識天香時巡百度稽虞典不奏橫汾漢樂章

賦得秋江漁唱

黎淳

欸乃長歌起碧湍水鄉秋思浩漫漫響窮絕島嵐光
暝聲入蒹葭鴈影寒鼓柁迥從雲外度鳴榔空向日
中殘湖山處處多佳致吟罷西風倚畫闌

從軍行

羽檄交馳瀚海秋酒闌長揖看吳鉤肯令虜騎驚飛
將未羨曹家數虎侯勝笑獨誇臨水陣壯心先燬

河舟男兒眼底空朝謁却笑新亭泣楚囚

走馬燈

謝遷

飈輪擁衛出炎精飛繞人間不夜城風鬣追星來有
影霜蹄逐電去無聲秦軍夜潰咸陽火吳炬宵馳赤
壁兵却憶雕鞍年少日章臺踏碎月華明

鞦韆

日轉華堂樹影偏謝家庭院簇神仙綵繩斜引纖纖
筍畫板輕乘步步蓮美玉未升雲漢上綠珠先墜綺
樓前不知小徑殘紅裏明日何人拾翠鈿

過施槃墓

王鏊

後生何敢望餘芬斗酒還過董相墳行指岡巒低偃

月差偃坐疑文彩上成雲兩山已雪將軍耻以前皆將軍居

之四海猶傳制策文賈誼天年人莫恨孔光張禹亦

徒云

及第紀恩二首

費宏

鶴班濟濟聽臚傳驚喜龍頭屬少年明主拔才真十

五寒儒對策愧三千百年拜舞天心悅六字親題御

墨鮮觀榜共隨仙樂出文星燦爛曉雲邊

其二

恩詔南宮宴茂才主筵仍遣上公來五雲散彩浮瑤

席湛露分香溢玉盃天近帝居瞻北極樂兼胡部聽

春雷宮花斜壓誇冠重知是瓊林醉後回

贈彭文憲時致仕

三千叢裡魁多士四十年餘列上公歐氏文章從古

少韓家名位幾人同根優暫卽江湖遠虛宁還占寵

渥隆黃閣重來頭尚黑未應心事付冥鴻

早朝

錢福

鐘鼓餘聲徹曉分
赤墀香霧散爐薰
天回御座昭黃道
仗簇春旗炫彩雲
閭闔迥從三殿啟
簫韶渾向九霄聞
萬方拜舞承恩渥
齊賀君王軼舜文

觀潮

顧鼎臣

海若鞭潮出海門
雲奔雪捲帶靈氛
六鰲駕撼三山動
萬馬聲傳百谷聞
應識吏期人似玉
徃觀誰使女如雲
傳巖舟楫真時用
康濟功成日未曛

立春日禁中對雪

楊慎

天街晴雪照簾櫳
萬戶千門似郢中
先向曉營添朔

氣却隨春仗轉
條風上林花信梅
邊出太液波聲柳
外通郢客高歌誰
屬和巴人下曲本
難工

從軍行

六言

嫖姚十八從伍
貔貅百萬超群
千里獨行無敵
一身是膽曾聞
六出羞稱奇計
五餌盡是虛文
此際毛錐何用
畢竟刀鏃勒勛

登天竺峰

羅洪先

丹崖中斷架樓臺
半點紅塵不到來
僧在白雲天際宿
路從翠竹徑邊開
水清池面魚堪數
月挂松梢鶴

始回好景留人迷去住上方鼓鐘又相催

賀及第

天機錦綉富胸襟文字三場抵萬金此日共聞登第
喜平生不負讀書心墨題金榜聲名重宴賜瓊林寵
渥深他日致君堯舜上蒼生四海望爲霖

元夕珠燈

唐順之

正憐火樹闌春妍忽見清輝映夜闌出海蛟珠猶帶
水滿堂羅袖欲生寒燭花不礙空中影暈氣疑從月
裏看爲語東風暫相借來宵還得盡餘歡

贈宮人入道

詔辭禁苑拜金鑾換却金簪戴玉冠碧落有時應跨
鳳瑤臺無曲更乘鸞羽衣振雪春雲靄仙佩披香夜
月寒幾度步虛雲漢上雍容猶似御前歡

冬日過朝天宮

袁煒

蕭颯寒空萬木稀仙宮晴散曉寒微風踈雲磬隨行
珮松落冰花綴法衣塵隔蘿烟知地迥雪殘芝砌覺
春歸年來漸歛尋玄理幾向丹臺覓靜機

侍恩榮宴

唐汝楫

萬年天子宴蓬萊五色雲中寶扇開青瑣班隨鷓鴣
列瑤階韶引鳳凰來詞臣上壽陳金鏡羽客來朝捧
玉杯白面書生無以報惟歌天保答涓埃

蘭葵鶴鷓

申時行

花萼樓前過鶴鷓群飛相逐總含情非關原上秋聲
急自傍林間淑氣鳴影散瑤階葵日午音調玉管蕙
風清當時集木稱奇瑞何似儀庭應 聖明

題鷹

何處蒼鷹掣錦條霜林颯颯灑寒毛攫身萬里層霄

迥側翅三秋殺氣高狡兔還應愁窟穴鸞鳩那敢決
逢蒿 聖明祝網開三面搏擊何須借爾曹

杏花雙燕

王錫爵

上苑丹葩照五雲乘風紫燕自爲群乾坤不限陽和
色花鳥同娛化日曛對語瓊林頻送喜銜泥瑤圃競
尋芬他時還應高祺候百子枝頭祝 聖君

蘆河群鴈

別浦蘆花烟水深秋風翔集候時禽青霄不斷成奇
字紫塞何勞寄遠音飲啄渾無繒繳慮往來寧繫稻

梁心隨陽好結能鳴侶春色聯翩滿上林

贈奉使冊封親藩

范應期

驟驛歸騎帝城東王氣晴開使節通孤劍馬頭懸白日雙旌柳外拂長虹書銜紫禁龍章渙月落黃河樹色空 聖主明光勤顧問陳詩還自有幽風

內苑聞鶯

羅萬化

令啟朱明景物華新聲巧轉上林花全枝借得晴初試喬木遷來韻轉餘靜裏調簧隨玉輦陰中分綠上窓紗 聖朝會見和鸞鳳小鳥緡蠻詎足誇

賀國朝惟善爲寶

趙志平

被褐懷玲謁 帝都紛紛英俊滿天衢趨陪周朝皆瑚璉侍從虞庭盡瑾瑜此日荆山無泣玉數年滄海斷遺珠自慚燕石非奇寶願學連城待價沽

九日雨中泛舟

鄧以讚

風雨高臺隔素秋名園且泛木蘭舟寒烟淡挂河邊菊細浪輕翻棹外鷗佳節幾人能勝賞清尊入夜尚淹留莫愁更落龍山帽竹籜而今解戀頭

春盡登山

沈懋學

千峰不斷入嵯峨
客裏登臨興若何
風景忽看三月暮
繁華偏屬武陵多
樽前黃鳥鳴芳樹
花外青雲繞碧蘿
自是皇州春色好
望高一和郢人歌

鏡中燈

蓮炬菱花共照臨
風吹不動影沉沉
一池永水鎔真火
半夜金星犯太陰
翠袖拂塵紅焰冷
朱唇呵霧碧光深
任教來往飛蛾撲
難覓虛明一點心

賀皇子百日

曾朝節

百日欣逢睿節新
群臣朝賀屬芳辰
雲中鳳翥來三
母日表龍顏識聖人
瑞氣正浮三殿曉
歡聲齊動六宮春
願將多壽多男祝
歲歲年年獻紫宸

賀大婚禮成

馮夢禎

遙望長秋屬帝宮
天門瑞氣鬱葱葱
金輿日麗趨中使
絳節雲開引上公
彩鳳齊鳴三殿曉
天桃並發萬年紅
寧論鈞弋宮中寵
還嗣周南窈窕風

聞蟬

朱國祚

燕臺歇雨薦涼颼
吹送蟬聲滿御墀
清影不教塵外見
長吟先入禁中知
上林氣煖枝堪托
仙掌秋初

露復滋自撫五絃聊對汝空庭踈樹午陰垂

秋聲

李廷機

月射簷牙漏起籌一天靈籟發清秋搗衣玉杵鳴城
角戰葉金飈殺樹頭鴈過瑤空音噤噤蛩吟石砌語
啾啾更聞長笛一聲響隔岸有人閑倚樓

暮春卽事

袁宗道

春盡烟消望欲迷更憐芳草自萋萋龍沙此日無烽
火鯨海何時罷鼓鼙飛絮細沾花霧濕遊絲斜趁樹
雲低韶華對爾慚無補東觀空燃太乙藜

玉河水泮

焦竑

都城二月動微和冉冉流漸下玉河細柳風恬春繫
艇古堤氣煖夜鳴珂未看花片隨源出已覺香塵傍
水多最是微臣叨寵渥鳳池無日不思波

黃金臺懷古

昭王遺跡半蒿萊尚有凌空百尺臺駿馬已隨雲滅
沒霸圖惟與水滌涸天長草樹層霄接地迥風烟大
漠開致士無能恩詔始黃金慚負入燕才

秋雨有懷

九月愁霖濕未乾，秋聲的歷動長安。
雲垂薇閣群鳥下，風滿榆關一鴈寒。
白羽書來兵轉急，黃河水落歲將殘。
壯心未覺消髀肉，夜夜旄頭倚劍看。

萬壽節朝賀

曙光初動早朝天，殿繞南山護紫烟。
金鏡欲披鵷鷺集，玉除端拜鼓鐘懸。
蕙開八葉還知月，桃實千秋解紀年。
更羨夔龍深獻納，佩聲長近衮衣前。

雨中春樹

陶望齡

雨色蒼茫薊北天

帝城萬樹忽芳妍

風吹細雪添新翠，望入平林濕曉烟。
花閣書陰餘照裡，人家水綠楊前。
物華到處應堪賞，聖澤今看草木偏。

頒曆

軒后凝圖玉律懸，冀堦授節下堯天。
乾坤更記頒正月，宇宙爭傳曆萬年。
漫訝陽春聯紫極，迴看象緯麗瑤編。
皇輿此日宜無外，共慶神功格上玄。

萬壽節朝賀

羽林仙仗送蓬萊，一派簫韶拂曙來。
帝座高臨南極迥，爐香不動五雲開。
月輪常抱千秋鏡，仙掌初添

萬壽杯最是侍臣多寵渥鳴珂新拜紫宸回

秀水沈司空甲午元日方臥山中夢一客告以
玉殿傳金榜君恩賜狀頭之句初不知所解乙
未讀蕃卷獲爲舉首始信異徵贈蕃以詩

翩翩綵筆擅西京金殿臚傳第一名可但人間稱國
士直從 天子作門生黃分 御座流雲麗錦奪宮

袍映日明夢裏昔曾占勝事相看殊慰野夫情

原韻賦和

朱之蕃

挾策翩翩集帝京淺才那意荷收名從知効節

切寧待啣恩感激生驥尾附來千載重龍頭唱處五
雲明尋常溫飽非吾事努力終酬報國情

味蟬琴

穠陰遠水接簷櫳一枕南薰兩腋風欲鼓更停傳絕
調無絃有韻別枯桐不堪嵇散聊爲適誰謂鍾期遇
已空寄語螳螂休奮臂吾方游目送歸鴻

味月鈎

碧空如洗界清光爲控踈簾照晚粧花柳有情渾美
影魚龍何事欲深藏玉繩露濕斜臨檻銀漢星稀曲

轉廊怪底栖鳥驚不定一彎早已落橫塘

吹瀑布

萬峰廻合欲參天千丈驚看匹練懸素女機絲搖皓
月鮫人縞帶漾輕烟匡廬色借香花散鴈宕聲隨鼓
吹傳何必瑤京餐沆瀣枕流終日弄潺湲

荅寄楚源文損惠見懷之作

顧起元

華陽明月幾圓圓遙望星楂過斗邊常侍漫裁秋興
賦舍人新詠早朝篇花磚日傍觚稜轉鈴索風從瑣
闥懸見說禁中催草急可能丹壑磔周旋

感懷

宛城名馬入甘泉重見呼韓款塞年春戍有人畊漢
月秋笳無客奏胡天烟園苜蓿金飈轉露冷蒲桃玉
乳懸莫訝嫫姚頻翽鞠祗今無事勒燕然

許長卿水亭五日

久緣起色倦登樓喜向高陽得勝遊爲有蒲葵開令
序况逢簫鼓沸中流千峰思送朱簾雨一水先廻碧
樹秋坐惜主人投轄意夜深燈火下滄洲

五言絕句

筆

商輅

象管稱毛穎尋常烟霧騰夢中花自發應使鬼神驚
夜泛

黎淳

四溟波浩浩一葦向空渡月近星斗寒始識天上路
春晝吟

程敏政

春江靜不流午枕睡初足白鷗何處來點破湖波綠
教坊婦

王鏊

郎愁秋日花妾恨春堤草春草踏還生秋花開易了
晚霽

程楷

天空鴻有影風定水無紋半樹挂殘日千岬蒸濕雲

早朝

霍韜

五夜漏聲殘鳴珂入鷺班流鶯仙仗外百轉語間關
春遊

鄧以讚

小雨桃花徑輕風杜若洲江南春色滿何處賸生愁
羨農家

沈懋學

結束學庄家功名等戰蝸三春無一事鋤地種蘭花
題畫二首

唐文獻

古木挂斜陽虛堂倚秋水撫景倦言歸隔溪暮山紫

其二

蕭寺危峰側叢篁細路通幽人無俗鞅學道訪支公

早朝

陶望齡

待漏入東華紅雲擁帝家遙瞻天闕上宮扇兩行斜

七言絕句

旅况

曾棨

清漏遲遲月轉廊博山銷盡水沉香重城不鎖還家
夢夜夜分明到故鄉

扇面荷花圖

曹鵬

玉井芙蓉紅粉腮何人移向月中栽高軒忽漫看圖
畫疑是昭陽鏡裡開

春興

倪謙

暖風吹帳日光遲恰似清和四月時黃鳥不知人懶
起未明啼上綠楊枝

白鹿仙人圖

百尺蒼松雲氣重千年白鹿洞邊逢仙人月下吹簫
處知在緱山第幾峰

咏青塚

彭時

泣抱琵琶恨不禁胡恩終淺漢恩深孤墳若不生青
草誰識昭君地下心

山水

柯潛

山外清江江外沙白雲靜處有人家船頭不是仙源
近那得飛來數片花

爆竹

黎淳

自憐結束小身材一點芳心未肯灰時節到來寒焰
發萬人頭上一聲雷

徽宗畫瓶中桂花圖

章懋

玉色官甌出宅家天香誰貯月中花六宮只愛新涼
好不道金風捲翠華

南陽三顧圖

程敏政

烏鵲巢成漢樹空孫郎奇氣卷江東英雄出足三分
勢祇在茅廬一語中

幽居

雲繞青山水繞廬松陰花塢勝仙居幽人不逐尋芳
侶靜倚南窓晝讀書

畫中四景圖

吳寬

石門斜傍曉山開
楊柳陰陰護綠苔
何處畫船晴雨外
綺羅風裏載春來

右春景

其二

娟娟涼風斷復連
青山深處藕花邊
誰家樓外停歌舞
又上西湖小畫船

右夏景

其三

雨晴霜葉曉斑斑
多少樓臺紫翠間
誰似漁翁能澹槩
往來看盡舊江山

右秋景

其四

西風送冷入瓊樓
一夜青山盡白頭
斜日棹歌寒水上
分明還有晉風流

右冬景

十六夜湖上玩月

王 鏊

玉露寒侵鵙鵲觀
桂花池館恨悠悠
不妨歌舞留人醉
一夜清光減却秋

綠楊雙燕圖

晴堤萬葉舞烟空
弱羽翻飛避晚風
絕勝蕪城春色裏
亂鴉高樹夕陽紅

芙蓉

謝 遷

傍水施朱意自真
幽棲非是避芳塵
已呼晚菊爲兄弟
更爲秋江作主人

春晚

程楷

弱柳搖烟落絮輕
綠陰初長小池平
杜鵑處處催春
急不是東風太薄情

思歸

翹首南來路四千
白雲如隔幾重天
高堂屈指相思遊
子應道今朝又一年

咏鴈

秋風已占江南景
春日還搏冀北雲
嘹唳一聲明月
下人間何處不驚聞

咏菊二首

靳貴

越娘初試素羅裳
愛向秋風學靚粧
一夜不勝瓊佩
冷晚香亭館有新霜

右白西施

其二

盈盈宮額半塗黃
不減花前舊樣粧
笑殺阿嬌金屋
貯香衾寒怯夜來霜

右黃西施

墨梅花

錢福

我家洗硯池邊樹
箇箇花開淡墨痕
不要人誇好顏色
只留清氣滿乾坤

墨桃花

武陵仙子絳綃裳
謾向韶華試艷粧
一自別來顏色改
可憐憔悴見劉郎

張良歸山圖

朱希周

袖却朝簪別漢家
赤松相候在烟霞
而今悟得全身計
不似從前博浪沙

劉阮天台圖

芙蓉彩幔繡香茵
蕙質蘭肌洞裡人
腸斷仙郎歸去後
碧桃空度綺羅春

諸將入朝

康海

大將旌旗朝帝京
至尊親遣貴臣迎
侍中獨領嫖姚部
戰馬皆歸龍虎營

狼山凱歌

楊慎

盡掃攬槍振羽林
八流飛渡早傳音
風前鷁退吳山淨
月下龍吟江水深

真海曲二首

碧雞金馬古梁州銅柱嵯峨天際頭試論收滇功第
一逢人惟說潁川侯

其二

沙金海貝出西荒桃竹檀花貢上方香象渡河來佛
子白狼槃木拜夷王

楊梅

徐階

折來鶴頂紅猶濕剜破龍睛血未乾若使太真知此
味荔枝焉得到長安

仇將軍南征歌

唐順之

草木一山鼓角風將軍牧馬夜郎東靈臺向夕占星
色已報旄頭墮海中

塞上曲

袁煒

白羽如霜出塞寒胡烽不斷接長安城頭一片西山
月多少征人馬上看

御池瑞蓮二首

申時行

九疑山下分奇種三子房中吐瑞姿
采采黃雲團羽扇爲迎金母下瑤池

其二

芙蓉爲帶菊爲裳高結重臺散異香
早說君王常問寢名花長映御袍黃

牧牛二首

茂草豐林朝雨足
鳩來牛背郊原綠
笛聲不解理宮商
信口吹成太平曲

其二

縱牧空林喜氣多
跨牛敲板踏平莎
康衢自咏耕田樂
車下無勞扣角歌

六十二首

王錫爵

隴上歸來跨犢行
揚鞭遙指暮雲生
明朝共把春犁去
聞道君王欲省耕

其一

春郊牧豎晚來過
按拍臨風口自哦
一曲昇平原有調
何如長夜飯牛歌

東朝侍直二首

朱國祚

殿廷香藹接雲平
一道鑪函夾
陛行肅肅講臣齊
鵠立金蓮影裏
隨先生

琉璃光潤絕塵埃咫尺其霖徧九垓惟恐侍臣侵履
濕命從殿側左邊來

江行味浣紗女二首

李廷機

嬈嬈腰肢玉一圍嫩紅嫩綠淡春暉莫教名字傳
掖終遣詩人刺綠衣

其二

臥薪中夜泣孤臣落葉飛霜幾度春能使姑蘇聚麋
鹿誰知却是浣紗人

上苑桃花

焦竑

度索山頭駐彩霞蓬萊宮闕即仙家共傳西苑千秋
實已着東風一樹花

公第謝恩表

吳寬

儋古右文喜值豐亨之運設科取士欲求踈遠之才
自前代以來逮我

朝而盛布帛菽粟渾然猶三代之言月露風雲陋矣
非六朝之體辭達而已文在于茲盖必先擇于有司
夫然後獻之

天子是惟

聖祖敷求之意至于

文孫各守而行禮意加隆人文益著如
皇
江殊問

魯學本空踈呻吟咕嗶之間以歲以月游息範圍之內如天如淵久蒙作養之恩並與甄收之數食芹而美惟懷一獻之素心采菲不遺遽辱九重之清問榮隨寵至感與愧并茲益伏遇

皇帝陛下稟上智之資居大君之位唐堯之德化不識而不知虞舜之聰明好問而好察惟末學幸遇乎大有作爲之主故直言德行于無所忌諱之時爰題金榜之名載錫瓊林之宴維其階矣方正席以捫心何以三之忽在筭而被體儀文稠疊顏面忸怩其何

德以言智不求而至臣等方受寵遇相與告言一飯不忘豈獨報以國士寸心白誓庶無忝于賢科再期聖德之益崇永保天休之滋至

又

舒芬

伏以書獻賢能方待公車之詔言揚敷奏遽登天府之名袞然達漸之高倏爾泥蟠之隔遭逢過分忻忭奚勝茲益伏遇

皇帝陛下泰運大來譙光下逮覩人文化成天下賁飾匪崇升

聖治宜照日中豐亨永保合宮衢室百僚方慶于師
師玉陛丹墀一士不遺于諤諤雖則細流寸壤諒無
補于高深然而葑體芹心敢自羞于側陋各陳膚見
庸助多聞聽徹堯聰幸面陳于諷諫明分舜目勞手
筆以標題臚句聲傳雲外簫韶並下恩袍動色禁中
草木同輝京兆引騶儀曹致享衣冠在笥鏹幣分珍
禮數便蕃知儀文之從舊

聖情咨眷感

寵遇一維新臣等擣櫟腐竹駑駘下質荷此難酬之
大造思非已獻之微軀德業相期共保終身之遇忠
貞自守寧忘始進之心

又

諸大綬

聖主當陽啓天下文明之運皇圖永泰應日中盛大
之符昌期允慶于遭逢榮寵實逾乎意望恭遇

皇帝陛下堯仁廣覆舜哲周知壽考作人多士悉歸
于造就中和建極兆民允賴于生成謂天工須代以
人循制科而取士念國是必稽于衆賜

清問以求言元首股肱昭示相資之義已際疏附爰

興克聖之恩顧忽堯何益于知能而詩非以蒙于采
錄親題甲第渙發臚傳筮跡彤墀幸對北辰之近標
名金榜忻聯東壁之輝

命京兆以送歸啓春曹而賜宴冠袍特賜寵分在筭
之玲鏹楮均頒恭拜

自天之錫撫膺感激荷

具禮之維隆稽首稱揚愧名言之莫罄臣等敢不率
循幼學砥礪初心勿諱勿欺奉

照臨工日月爲忠爲孝酬

化育于乾坤伏願

聖壽益增兼唐虞而立極

乾綱總覽御普率以承天賢俊彙征四海戴無前之
治明良相慶萬年歌有道之長

又

丁士美

奎曜天開萬國仰文明之象乾符

聖握一人操制作之權荷

大造以兼容隗凡材之並錄茲益伏遇

皇帝陛下道備君師德侔天地

尊臨華夏普六合以咸寧

仁育黎元無一夫之不獲至敬恒持於夙夜淵衷每
勅于時幾

神聖獨隆猶切求賢之念雍熙允洽尚勤望治之心
爰降

絲綸下詢帛布圖用人理財之大要迓祈天求命之
共休自分芻蕘曷克對揚

明命豈期葑菲猥蒙次第恩榮際會風雲共慶泰交
之盛沾濡雨露叨承晉錫之蕃京兆送歸南宮錫宴

冠袍特賜出尚方珍襲之奇以鏹均頒布內帑寶元
之富臣等仰

龍宸而戴德極知覆載之難名越鴈列以觀光何幸
照臨之孔邇敢不勉行幼學誓勵初心期不負于登
延庶少申于報荅伏願

建中三極介福萬年文運與國運而並隆地久天長
永撫亨昌之祚臣心體



君心而共濟景從雲附載賡
喜起之歌

